

清無錫楊宗瀛纂輯

師旅

葵川自隋開皇中置縣迄今千一百餘年兵革之事代所不免而舊志失載考古者有遺憾焉國朝順治年間相傳有姚黃之亂申明經紹伯引據三藩諸紀謂張獻忠部將有姚黃十三家袁韜其一也大兵入川誅獻忠韜由夔竄葵與獻忠養子孫可望等共投桂王大兵至遵義糧盡引歸桂王遣兵部尙書樊一

都濡備乘

卷上

一

黔南叢書

貴陽文通書局代印

衛復取四川檄韜駐重慶後因攻殺李占春楊展可望遣王自奇殺韜併其衆云云是所謂十三家者獨有袁軍來葵並無姚黃其人也意韜兵敗勢孤慮爲葵民所侮故借姚黃十三家以虛張聲勢乎韜駐葵久暫不可考而紀稱其燒殺淫掠依然是賊之行徑則葵之受其害固有不可勝言者姑錄之以爲師旅之首

葵川縣境向分上下五里南界思南府龍泉縣東界印江縣下五里北界四川彭水縣西界正安州其地

散漫淹隔且多鄰封

借讓谷陽橋花也

外匪內奸所在勾

結門毆劫奪之案無月無之然其初鼠竊狗偷未敢

公然爲逆也迨咸豐三年各鄉奉扎立團良民用以

保家奸民卽借以聚衆桐梓賊梁三發財竭竿首禍

賀王鑿之隨起隨滅爲時不久惟劉義順之亂首尾

十三年思石諸郡荼毒殆偏其團三偏刀水以上曰

覺林大堡以下曰濟安江家寨曰致和致濟二團最

爲婺邑害故上大夫言之獨詳云

咸豐甲寅四年桐梓縣螺蟹賊梁三發財圍正安州城

都濡備乘

卷上

二

黔南

貴州交通書局代印

州距婺百餘里民情驚擾知縣陸用康遣千總劉榮

昌武生項希廉出防丁木坳之雙碑

乙卯五年夏四月桐梓賊楊隆喜圍遵義府城官兵敗

之於城東雷台山又敗之於中莊鋪隆喜欲入川爲

秀山縣防兵所扼竄邑之官壩場陸令調申允珩申

炳章團兵拒之賊由新場黃都壩出境

秋湄潭縣教匪吳大刀聚衆五百人據正安州屬之槐

花池貢生周應泰率團敗之張光朝斬具首送縣

冬十二月銅仁舉人梅濟鼎與田道子龍陷思南府城

教授張鴻遠死之

賈國進士

知府福奎以下走沿河司生

員李春華營弁安定邦率壯六人夜半至大巖關呼

曰大兵至矣賊驚擾棄城出走冀日回犯大巖關官

兵擊之梅逆中礮死子龍奉肥宅宅據梵淨山奎與

湖南兵攻破之獲子龍解省

丙辰六年正月劉榮昌剿平松溪先是婺川外委姜仲

元在思南值梅逆之亂過松溪生員孫又鴻斬其首

函送梅逆僞封將軍署令阮文藻

江西進士

令榮昌討之

又鴻敗遁誅其家

都濡備乘

卷上

三

黔南叢書

貴州交通書局代印

平頂壩民何琴將大娘與姪景全不睦結土匪白大滿

小滿等數百人燒殺景全全家官捕大娘斬之大滿

據平頂壩反福奎令安定邦剿之時生員冷鴻才團

衆方強賊恐其夾擊陰約各不相犯鴻才諾之鄉民

避賊者爭入冷團而自得萬餘人攻圍名曰濟安

麻布塘

下五里

教匪冉樓二私造旗幟槍礮與白逆通謀

戀山坡生員覃元貞擒之解縣正法

丁巳七年冬十二月四川妖匪劉義順與致和團首何

恭言反陷思南府義順四川涪州荷葉坪人

咸云姓郭與同

詳劉甲合開鐵
廠建冒其姓

長身大頭連鬚下垂及腹聲大如

雷道光季年有妖道來至義順宅邊密以龜屎研墨
題樹根云劉義順天星降凡當爲天子等語上覆以
土久之乃謁義順云昨夢神云此樹有異共發之見
所題字深入木裡不啻天成義順大喜遂與道人倡
青蓮教招聚徒衆欲破塾江縣縣官覺而捕之先是
義順弟子陳迎祥犯事奔龍泉江家寨民何恭言師
事之至是義順亡命亦來匿恭言家恭言喜曰祖祖
爺至矣因共稱爲劉祖祖云咸豐三年黔省勸辦民

都濡備乘 卷上

四

黔南 卷上
貴陽文藝書局代印

團婺邑南境與思龍印壤地錯雜畛域難分乃統編

時和年豐民安物阜正直公平爲十二團江家寨距

青杠坡十里應入人和團而何逆賄通龍泉縣幕曹

某領得印旗劄付別致和團

其後賊犯龍泉曹解館
出城團民欲殺之曹竊

行李又厚給犒弁趙金聲府役藍飛飛爲內助於是

藉團行教聲勢益張以龍泉廩生安怡然

居婺屬
中岑印

江廩生王夢蘭秦家寨民秦黑鬍子白鶴洞民唐宗

銅鼓山民史熙堂巖柯營民李麻三蟠溪民楊和風

壩竹丁民安龍皂泥溝民冉正明許家壩民譚應鳳

等爲十大弟子分途招誘衆至數萬鸚鵡溪生員李春華告府府令舉人饒以爵往驗無迹人和團首唐冠羣茶園頭生員安宅仁吉龍泉令令入曹晉斥爲爭團挾嫌置不問十二月義順恭言糾合團賊數千白布裹頭直趨鸚鵡溪李春華拒戰敗績賊燒春華居廬初五日乘勝犯府城府城故坍塌福奎令舉人金世瑞從九職銜彭新元守涼水清趙金聲守大慶關金聲開關迎賊城遂破奎與經歷鍾策勳奪路至河甫登舟藍飛飛率黨追至官及眷屬皆被害世瑞

都濡備乘

卷上

五

黔南

續編

貴陽文通書局代印

新元俱死百姓赴水死者萬人奎第五子富綿乘間逸出印江石阡亦相繼陷賊帥楊二來據天半寺阮令令千總劉榮昌練總申洪陳元順率兵練八百分防豐樂河軍功曾白四繞賊營來告云天半寺賊數無多速引兵渡河我與君前後夾攻破之必矣不然大衆將集榮昌疑未許越二日賊果大至偷渡上游出我軍之背元順先奔榮昌繼之洪被圍於滑石灘血戰得出死者百人城中大震獄囚三十人破門出走差練追獲之斬於署前

戊午八年春正月初六日楊二至涼水井牛塘諸寨多
從逆阮令奔三角口初九日賊入城燒民房數百復
還天半寺十三日阮令還城調紅絲塘巡檢王藻懋
山坡生員覃元貞石步了武生項希廉桃符壩生員
申炳章本城生員劉靖宇桐梓園武舉申德源三坑
司監生蕭學太分道進攻元貞由柏香坪結筏渡河
攻中路賊憑高下石勢如驟雨元貞率壯士百人冒
矢先登賊棄寺南奔追之至蘭干子賊復回戰適西
路劉靖宇兵至合擊大破之靖宇又破賊馬道斬僞

都濡備乘

卷上

六

黔南 卷上

帥田九龍

春二月富綿奔赴銅仁府知府周奎請兵復仇奎謀集
團勇及鎗協兵畢會郡東賊烏台無紀律又城不可
守戰屢敗棄郡走官兵克復思南富綿獲起金聲鑼
割之棺斂父屍仍從諸軍追賊各寨寨聞之皆出兵
助剿劉逆窘迫竄入隘八甲之岑頭蓋山山臨鹿池
河削壁如城高出雲表其上水田肥美週二十餘里
惟南面幹家山一徑稍平西面任家巖馬鬣嶺等處
窄徑斗絕賊卡重重鳥飛不過奎立營楊梅花方圖

進取忽因事赴省富綿留旬日亦以糧盡退還

項希廉與申炳章從後壩溪由東路來會元貞聞楊二已破引軍至煎茶溪圍紳周昱黃興發資以糧仗進攻洞頭巖巖高且險爲賊聚糧之所希廉陽攻其前而陰從王河清覓得間道搗其後賊帥余明魁不戰逃走楊二走匿平陽蓋洞中安化生員張寅清獲之

送縣正法

或云府屬天井文童會文成所獲待考

初賊挾安宅仁告官之嫌甫陷思南卽遣黨襲茶園必欲得而甘心宅仁先期走免聞思南克復乃歸是時

都藩備乘

卷上

七

黔南遺書

貴陽文通書局代印

岑頭蓋賊見銅仁軍退分黨四出威劫附近圍寨從則出穀與丁不從則屠戮無遺宅仁家故饒乃散財募士立永協團營與廩生安明修練長杜啓宇等敗賊巖礮了斬首數百生擒百餘人賊傾巢復至團兵禦之於湯坳再戰再敗明修啓宇及義士鄧其科安大斌安明靖等皆死之宅仁奔龍泉又有隴水武舉安浩然勦賊烟草了身被數十創爲賊所擒至江家寨大罵賊狗被害尤慘

濟安團教匪胡黑二反黑二安化屬之乾溪人體貌魁

偉雙眉上豎陰險寡言兄弟三人兄胡大早卒弟胡三膂力絕人黑二勇不如弟而狡詐過之少受業於大堡生員冷鴻才屢困童試遂入青蓮教鴻才立濟安團黑二陽助招來實皆誘之入教

揚言大劫將至令男女各

出錢然燈禮拜名曰買命錢錢多則功德愈大不但免禍且可獲福有輪至數百千者黑二因之驟富又

以硫磺傳燈草黃豆實糯把令民拜之火觸硫磺則爆豆沾潤則漲愚民不知以爲至誠所感愈拜愈大也

廣歛銀錢製兵仗藏之窟室致匪既反黑二欲應之以言語鴻才鴻才不可而力不能禁乃與黑二分團以奉教爲下濟安不奉教者爲上濟安上團不及千

都濡備乘

卷上

八

黔南叢書

貴陽文通書局代印

人而下團衆至萬數遂以黃巾裹頭招合致匪攻大堡生員田作頌義士樊大洪兄弟四人皆戰死大堡遂陷印江令鄧凌筠勦之黑二佯敗誘至馬蹄溪伏賊四起凌筠陣亡兵死千計黑二搜其遺篋得鴻才內應啓置酒召鴻才示之曰先生固如是耶殺之並殺連名生員熊廷輔等十餘人

春三月濟匪田興朝田二喜田姣童等攻紅絲塘巡檢王藻告急劉靖宇以城團三百人往全軍敗沒兄弟八人皆戰死賊進攻三坑司蕭學太與火炭了申喬

明合團二千拒之申團多奉教齋頭申水燭三乘學
太出戰縱火燔其營自後攻之團兵驚潰學太喬明
皆被執賊叱之跪不屈學太戟手罵賊賊先斬其左
肘而後砍其頭喬明亦被殺申允瑒炳章救之亦敗
亡隊長申國珍典朝後在偏刀水伏法
水燭三徒據小玉琪
饒以爵軍出思雄關遣隊長鄧第武字止侯府
屬大坪人夜渡石
板灘攻木堯坡鏖戰五晝夜盡平橫巖銀匠洞賊寨
斬偽帥梁及將軍鄉正三十餘人克復許家壩

夏四月濟匪陷邑城先是羅溪申允瑒與族人四洪不

都濡備乘卷上

九

黔南 卷一
貴陽文通書局代印

協乘邑城之亂誣殺之四洪父瑞崗奔賊至是引賊

帥楊五田五廖大順襲破羅溪距城二
十里齋頭申三三

獻落鱗洞隘口迎賊至細沙溪距城
八里阮令劉千總奔

石步了賊入城盡燒公私廨舍惟餘城外四廟魚斂

溪圍首劉興義與楊五戰芭蕉關殺傷相當賊退聚

倪壩申炳章由隘溪渡河擊之斬首數十燒申三居

宅於是馮鼎銘劉興義簡昌棟劉妹四各團渡河駐

游木水申維藩鄒明魁二團駐波羅山黑二聞之率

大隊來援先攻游木軍昌棟妹四陣亡餘軍敗過河

溺死無算繼攻波羅軍羅藩明魁不能支亦相率潰遁賊偵阮令在石步了時圖攻取富戶項仁德懼禍供給頗忘阮奔南客寨

夏五月饒以爵由青杠坡擊賊屢勝直抵婺屬之大尖

頂

在帥家溝之東
半頭蓋之附

爲劉逆養子么老冉八

號八
閩王

鍾四

所圍代理府事安化令汪麗金檄人和團首唐冠羣援之阻賊卡不得進半月糧盡先殺馬騾割死屍煮及皮骨賊屢說降不從麾下數千人亦無一變心者既而草根樹皮又盡率兵潰圍值山河水漲溺死過

都濡備乘

卷上

十

黔南叢書

貴州文通書局代印

半以爵僅以身免

夏六月黑二屯豐樂壩與倪家壩犄角相應何恭言又

以大衆來會聲勢益盛生員徐岱雲與劉興義攻倪

家壩不克喪二百餘人河水爲赤阮令在南客寨與

覃元貞議先攻豐樂壩令桐梓團富戶申允德出錢

六百千石步了富戶項仁德出糧千背

土人以二
斗爲一背供

軍初俱如議及師至鎮南橋而錢糧不至衆欲散元

貞激以思義直抵豐樂壩得鵝池寺饋米而文昌達

團兵亦由新場來會元貞子廷璧

湖南
州判

首先陷陣諸

團繼進大破賊兵蹙之豐樂河邊溺死過半獲牲畜
器械無算終以糧少引還

協和團匪賀濟泮反濟泮邑之濯水人小有材氣入覃
元貞囑元貞擒教匪冉樓二頗得其力梅逆陷思南
元貞奉府檄勦賊邀與同行濟泮素與楊小白有仇
不敢離家元貞力言無患乃行而小白果殺其家口
濟泮懟元貞元貞爲之訟於官富戶陳周全爲小白
營救不得直繼訟大府復不直濟泮友王代周者居
代池壩家富族繁常以小忠小信取悅鄉閭千百人

都濡備乘 卷上

黔南叢書
貴州交通書局代印

一呼可集濟泮涕泣往告代周爲起徒衆襲殺楊陳
家口執小白周全歸灌脂束薪而焚殺之號曰天燈
遂與代周及代唐田太強李治高何元善何雲龍蔡
春榮字林張馬二楊文 結爲兄弟十大房聚衆
築寨濟泮自號所居曰 寨稱忠孝王設軍師太
保將軍等官元貞禁之不可 兵攻之覃賀遂成仇

敵

濟匪楊五廖大順申三三等以邑城殘毀修劉家坡爲

巢名曰紅花堡呼城爲壩下逃民漸復歸 生員某爲
作檄文云

救民於水火曰濟。魯於莊帝曰：費又美其拜，登啟云：是道也。何謂也？堯傳之舜，舜傳之禹，云云。又有木易能奮武，勿金可殺人，之句。至指楊五劉某也。劉某後投誠。

阮令設公局於虎門，以籌軍餉。諸富室嗾土匪毀之，立冒頂大五名目，以楊蠻爲總老，冒一呼千人，生員書役之，逃於彼者均入會。

秋七月，濟匪欲圍正安，以茶礮河爲北路要隘。距縣城三十里

屢攻不克，賂從長灘之猪穿孔繞出河後，守隘者驚潰，遂爲所據。州牧于鍾岳聞之，謂與其坐待賊來，不

如先往，乃由上壩場鵝池寺江邊進兵，攻申水煙三

都濡備乘 卷上

黔陽文通書局代印

於盧家岡。距縣城四十里賊先匿不出，伺我兵怠，忽

開門縱擊，礮石雨下，傷二百餘人。于軍敗還，申逆卽

渡江邊，掠官學壩柏村，薄鎮南橋，項希廉擊却之。

秋八月，洞溪賊張麻子襲據迎洋江，自公局破被毀東

路，諸團資進取畫江而守，而方里壩民得賊金引渡

鸞塘出守軍之背，團兵倉猝迎戰，傷四百餘人，賊死

亦相當然。此江一失，東路無完土矣。

覃元貞居南客寨，距濟泮寨十里。慮賊焰日熾，與阮令

議調興義本團二萬人，令覃其恩、陳洪堯攻花台沖。

歐陽觀賢向必義攻偏巖黎村田尙清陸裕德攻水口寺自督大隊應接水口寺者賊首楊三邦寨也四面皆田左爲八角寨右爲大寨相距里許賊以大炮守隘與尙清相持見花台冲火起賊陣忽驚尙清乘勝直入連克三寨斬三邦其恩等亦克花台冲偏巖黎村濟津大懼令王代周乞援於楊五

秋九月貴州提督蔣玉龍以川兵千五百人至湄潭勦賊紗帽山魚塘坳爲賊帥安雷豹所敗死者過半獨與殘卒數百退保宋家坡久之招集散亡分守三尖

都濡備乘 卷上 十三 黔南叢書 貴州文通書局代印

峯銅鼓山千佛山軍勢稍振

僞帥劉么老敗道員韓超軍於一碗水死千人

不知年月姑附於此

冬十月楊五由沙礮丫抵虎門衆號十萬誼正團首項

希廉戰敗嘔血死時元貞方還戀山坡爲從子娶婦

聞賊至倉皇迎戰敗入南客寨寨形如釜底賊圍之

數重乘高發礮擊無不中姪慶恩來援被殺以首足

送元貞元貞駭絕夜與子廷璧遁去

元貞兵無紀律莽掠尤甚於賊

居民至稱其名以怖幼孩後從寨民大亂賊遂入殺

千人血流有聲楊五見阮令白曰此恩官也昇之

縣城

從行千總劉榮昌女孺弟唐頌子朔經程博經等十餘人

嘗謂阮令曰苟

赦我請去黃鵬立藍號

賊中呼官兵爲藍號

阮令許之僞將軍羅

三以吉黑二黑二遣牙將五十人來召阮令赴乾溪

阮令請自裁不許行過黑鉛溪貢生陳良玉僞左營

將軍李興國進茶果爲之泣下陰以指書阮掌作反

團二字曰苟至無傷或可生還也阮心誌之而不敢

詰黑二聞阮至令僞將軍張秋

安化生員

出黃龍岡十里

黑二自號牙居爲黃龍岡

鼓吹迎之自冠王帽衣黃袍迎於大門

待以鄉先生禮

都濡備乘 卷上

十四

黔陽文通書局代印

教匪田慶萬據思渠之一口刀常擾川邊酉陽知州凌

樹棠彭水知縣李漸鴻

貴進士

合兵剿之由菜園浦渡

河戰小勝旣而胡黑二來援川兵大敗殺溺無算樹

棠漸鴻皆陣亡

正安管帶姚汝勤以五百人扼紅砂岡並調磨子巖馬

家坪團兵二千助之賊帥廖大順至皆不戰而潰大

順縱橫馳擊死者過半遂掠上壩場黃都壩坦坪據

豬頭山陳家灣民皆從逆惟冷水橋王姓不從賊怒

攻之敵斃僞將二人乃退去此寨四面壁立三面阻

水中通一徑故易防守遠近聞之始讎築寨之利

冬十一月正安于牧軍次柏果樹得婺川縣印先是阮令在乾溪賴黑二妻供給飲食是月十八日黑二援一口刀將歸其妻來供茶品阮令泣謂之曰余固已矣願從夫人來一枝令給博經逃死且不朽其妻首肯晚以令付博經與書吏廖維清懷印出走守關致詰答往紅花堡公幹間關跋涉竟達于營于牧送印入省進軍涪洋場

二十四日濟匪李興國反正興國初從逆謂有奇能異

都濡備乘

卷上

十五

黔南叢書

貴州文通書局代印

術至是始知其妄陰約陳宗海爲內應申炳章爲外援炳章不至機漸泄幸黑二赴一口刀未發也二十三日黑二歸攜凌李兩官頭示阮令曰渠不識天時故斬之李某讀書人當瘞之凌某之頭直懸之高竿耳張秋請阮令作檄文阮問何謂檄文得毋似陳琳討曹操駱賓王討武氏乎秋曰先生何迂也與黑二議次日殺之並遣使召興國使者至黑鉛溪興國方集將士飲神伏酒

鄉人酬神飲酒
謂之神伏酒

遂歛留來使夜三

鼓與所部飽食進發行至乾溪天將曙鼓樓已鼓吹

矣燒柵棚而入賊帳牙軍千人

黑二帳下仿唐潘癡
鐵體稱牙軍牙將癡

立如木偶任其砍殺與國大呼阮大老爺何在阮承

體出應示以髮辮

賊皆誌
髮縮警

卽負之走其弟唐碩子翊

經劉千總榮昌隨之遇賊將簡三衣狐裘與國砍之

卽以裘衣阮入覓黑二已逃走不知所在殺其家口

十人

二十六日于牧至涪洋場自率州兵二營令誠溪札溪

冉家場投誠者各自爲營合七千人揚言攻蒲家山

而兵不出賊帥楊五申三三廖大順等以我爲怯或

都濡備乘 卷上

十六

黔南 卷上

移營逼杉窩或分衆燒札溪以挑我兵而我兵終不

出蓋賊將劉某陰報乾溪敗耗故賊利速戰我利緩

戰也至是賊復悉衆撲營于牧親執桴鼓開門縱擊

楊五中炮先奔餘皆不戰而潰盡破蒲家山賊巢擒

斬二千餘人誠溪獲申三三及申光緒來獻于牧斬

光緒以申三三解省

初阮令被擄舉人龔繼昌等入省請員候補府經歷黃

君澤奉委協辦葵川軍務留正安不進聞蒲家山之

捷二十八日乃率蒲家山王德培大竹園張光朝黃

都壩張一佩團兵入城以克復稟聞

胡黑二糾長安壩賊三千復據乾溪攻興國興國衆僅
四百人懼欲散興國曉之曰散亦死也與其在在外餓
死不如在家戰死死有光矣况其未必死乎乃以百
人設伏二百人更番出戰健將李扒二屢挫賊鋒一
日扒二與勁勇四人遇賊二百人直前搏戰賊發槍
扒二佯倒睨賊來進躍起殺三人二百人俱奔興國
乘勝逐北直逼乾溪申鳳陽炳章之姪申文謨皆以兵至
黑二敗走大堡楊五遂因興國投誠攻復墮坪等處

都濡備乘

卷上

十七

湖南 書
貴陽文通書局代印

南路賴以少安

二十九日于牧入邑城議令黃經歷備糧乘時進勦黃
忌功不允于牧遂還百姓遮道乞留乃留烏旗隊四
百人交申炳章鄒明魁領之

致匪偽鄉正由元住田家坪

致匪稱首領爲鄉
正濟匪稱將軍

與同心

團申允翊姻親黃經歷令允翊招之元至城願出錢
百千贖罪黃勒出二百千令具認狀釋回卽修獨山

寨

冬十二月賊攻黃平州城龍泉令陳世鑣救之中途遇

伏身被數十矢猶手刃數賊而死

申炳章等率烏旗隊攻盧家岡賊將王龍內應遂克其巢申水煙三走大面坡獲其妻子送正安州黃忿其出不請命歸不獻俘令張光朝逐之隊矜功不服殺十數人餘逃歸正安

李興國送阮令劉千總等回縣適省中發回縣印委黃經歷代理縣事阮令進省

黃代令遣鄒明魁攻大面坡失利賊乘勝犯城黃檄申炳章弟申維藩扼三坑司前鋒張某連破數賊營直

都濡備乘

卷上

十八

貴陽文通書局代印

抵坡下衆欲立營而後攻張曰毋庸賊營卽我營也衆不得已忍餓而前賊奮死出戰我軍不能當墜巖死者無算次日維藩調龍插背勁練二百攻其前密令生員申來章購通彭水賊卡搗其後賊夜奔長安壩我軍追之又奔偏刀水二百里內無賊維藩進軍銀家溪府屬軍功楊德友忌之以騷擾稟府府檄縣查覆黃以野練聞且出示捕維藩由是諸團解體無復應調者黃乃立護城團以壯役龔忠領之又募廣勇百名每名令城中兩戶供食民不勝擾又設釐金

局以房吏斬某掌之是時大路不通川廣煙商多取道婺邑每日可收百金城中百姓亦賴以存活

己未九年春正月黃代令招石梁壩賊不至聽壯役某言垂手可得意欲立功示威初二日率團二千出南門公局紳士皆莫知何往初五日敗還黃於馬上拂袖唱曰戰敗了戰敗了衆皆掩口自是不敢復出

春二月致匪安怡然等犯龍泉邑令茹含章新至不知所爲時安宅仁以湯劫之敗亦在城中卽率壯士數十出擊怡然怡然墜馬跳免團紳李璠以大衆繼之

都濡備乘 卷上

十九

黔陽文通野局代印

賊敗還山黎蓋璠字魯玉居附郭之苦竹台幼失怙恃育於祖母某氏某氏賢明好義邑令陳世鑑勦賊遣璠賞千金助軍璠時年二十餘體貌魁奇頗嫻武畧陳見而異之命集本城丁壯立清江團營並統四里團務賊屢次犯城皆爲所敗以功擢游擊後改名揚中科武舉

春三月楊五復反初楊五之克墮坪武生趙大受生員陳順元資以糧仗楊五覲二家殷富竟殺大受順元又殺良民二十餘家據其妻女諸團不平相率攻之

楊五敗投楊德友未幾爲德友所殺

夏四月大橋頭民傅彩鳳反初彩鳳爲其戚何銀山殺人被逮囑銀山出資講解銀山戚徐大文覃恩漸阻之彩鳳遂議絞城陷逃歸向銀山尋衅徐覃又助銀山傷其弟傅七又購賊陳燁老冒穴墻砍彩鳳傷頭及肩不死遂投協匪燒何徐覃家據徐家壩申維藩與川將榮魁攻之不利十年春川軍平協匪夏維藩購得內應燒其糧彩鳳與弟顯恕皆焚死其黨賀成賓賀白仲率三百人降

都濡備乘

卷上

二十一

黔南叢書

貴陽文匯書局代印

秋八月思南府知府周質夫

湖南舉人

破濟匪

此係周九節唐寇羣者年

戰事未詳

田元既修獨山寨黃代令猶追贖欵元欲

販鹽以償又爲官壩申步雲所掠遂合致匪王林襲

破官壩殺步雲之母進攻落口礮寨民彭姓聚族死

守屢遣人乞援黃不理遂爲所破直入黃背巖

距城數里

壯役龔忠以六百人禦之敗還黃欲出奔練目陸三

曰吾等衣食葵川已逾一載賊至不擊焉用練爲乃

復戰於巖前三砍陣先入諸軍繼之賊敗退三亦陣

亡百姓葬之書院側歲祭之

冬十月致匪何繼述安雷豹等陷三尖銅鼓千佛諸壘
合攻宋家坡蔣玉龍不能支走偏刀水又走水鴨子
賊皆接踵而至川兵晝夜狂奔饑不得食及抵涪城
皆面無人色邑令廖玉春方就勞問忽傳賊至川勇
開門降賊玉龍奔四川遇春奔綏陽涪邑遂陷

庚申十年春□月僞帥黃三毛犯安化屬之牌坊小溪
及卷子坪知縣汪之庭調鄧第武擊却之賊覆據印
江屬之凱唐板溪知縣繆星垣調團兵十三營謀斷
賊歸賊衆數萬反扼令牌山包我前後軍大困第互
率二千人佯向板溪而夜遣奇擊殲賊無算

都濡備乘

卷上

二十一

黔南

書

貴陽文通書局代印

春二月川東道程祖潤前甘肅固原提督孔廣順進軍
濯水祖潤等自戊午年來防江口歲費不資及凌李
二官陣亡邊烽益亟覃元貞偕文生李自善入川請
兵川督駱秉璋奏請改防爲征集兵三萬令祖潤廣
順統之由江口至濯水茅尖山連營四十里時賀濟
泮已死募生擒王代周李治高者賞錢十萬死者減
半僞招討袁青狗以關西寨城縛王代唐何元善及
子雲龍獻軍前斬之舒穆二協鎮克五虎寨獲代周

父母妻子代周逃亡花盆洞依其黨鄧春龍時賊寨
尙有四十八處龍岡寨之田三亡三江嶺之田德李
長元虎頭寨之申占元黃鱗洞之田大强安家寨之
田同祥皆負固不服川軍攻克之團首田尙清分克
青岡山獅子洞嶺岡頭白虎洞五雷寨擒賊首田子
方田五亡田四亡田在義鄧麻三等送軍前正法

春三月諸軍合攻大平寨大閭直薄墻下將士以擋牌
障身以大麻繩繫鐵鈎鈎石墻賊抵死抗拒墻倒復
築自辰至未破之李治高先夜遁去擒僞都督蔡春

都濡備乘 卷上

二十一

黔南 叢書

貴陽文通書局代印

指揮蔡宇林將軍洪興熙等斬之戮賀濟泮屍

屍埋
園中

不起墳上仍栽種
訊其妻子乃得之

進攻花盆洞時代周已病養子王

育才與鄧春龍謀爲代周衣黃袍負至穆協鎮營伏
誅赦育才春龍罪生員馮大受覃其恩賈占魁圍雲
峯寨四旬賊首陸蛇皮四力竭出降

其思以歐陽武
周宅爲場移分

水丁老場於此籍其逆產爲父
元貞建昭忠祠並列陣亡將士 協匪悉平

夏六月縣丞計遠長來署縣事以練勇二百人自衛時

獨山賊屢擾附郭掠人勒贖諸團請攻之計令不許

遂設防於虎據關

距城
七里

○月貴州提督田興恕統虎威軍至石阡遣將沈宏富渡文家店河攻井壩爲秦黑鬚子所敗死千人

冬十一月王河清攻廟壩廟壩賊分五營僞鄉正田歪嘴爲中營王朝選爲前營張歪嘴爲後營廖麻頭爲左營王石長爲右營分居巖口場馬道鴨棚一帶又有賊婦李素珍丈夫爲人所殺起兵復仇僞封孝義將軍與廟賊合夥河清先攻不利又與沈家壩生員陳梅花黃都壩生員趙國瓊合兵攻之麻頭詐降生員羅福疇信之以三十人入賊營賊盡殺之福疇走免

都濡備乘 卷上

冬十二月興恕遣熊煥章金泰文吳宏勝等至許家壩令把總鄧第武銜枚踏雪襲破鏡鉢頂煥章克太和營收降賊將科乃令科爲金吳前導攻姜家寨而自攻岑頭蓋軍次高莊寺唐冠羣率團助勦亦來次四方頂我軍聲勢百倍陷賊諸寨紛紛反正而熊軍淫掠無度聞黃家山帥氏女美進兵圍之寨首安應忠乞降不許悉銳出戰熊軍大敗復與匪何繼述紅號范苗夾攻金吳軍宏勝被擒泰文死戰出圍亡卒過半與煥章同回思南冠羣第武亦歸許家壩

辛酉十一年正月李興國攻春巖巖爲長安壩要卡
興國遣李扒二攻之賊詐約元宵獻卡扒二信之以
五十人夜往爲滾木傷死興國哭之慟起本團五千
人攻克之進圍紗帽營

春三月虎威軍至塘頭塘頭安化屬臨水爲市四方商
旅輻輳邵家渡爲其喉襟煥章令秦文第武攻破之
奪回吳宏勝斬賊帥楊大五餘賊塘頭瀕河築石壘
排列槍礮以拒我軍煥章隔河治浮橋陽作渡勢而
陰遣第武由柴家壩偷渡至南盆坳令人混入賊中

都漕備乘

卷上

一二十四

黔南

卷書

貴州文通書局代印

聽爆竹爲號夜五更軍抵塘頭後街燃放爆竹內應
者聞聲舉火賊方遮隔河岸忽起後街火起倉皇回
救熊軍卽乘勢渡河表裏合擊斃賊萬計拔出難民
千人賊走保荊竹園

夏四月鐵純青約李興國共攻獨山興國攻長安壩未
下先遣武生黃家庭以三百人來駐官壩純青遣馮
安國張鳳陽率精練五百駐田家坪爲犄角之勢田
元佯約降以援我師而密乞援於岑頭蓋未幾劉義

順與協匪漏網李治高

治高先登府屬之大屯東道
陳枚破大屯獲之治高請招

隆白號以贖罪枚縱之入兩
壇堡復稱協和盟主靖山王
率長髮賊三千蜂擁而

至兩路團兵皆潰賊由羅家壩牛星寨而下直抵龍
燈橋計令調護城團無一至者乃奔桃符壩田逆入
縣城城自八年克復得川廣煙商出入民廬毀而復
新至是無孑遺矣

夏五月効忠團簡昌楷與馬宗第奉計令硃諭起團兵
五千營於縣北五堡山五月朔日與本城哨長陳元
順三路進兵元順敗賊於上中橋昌楷攻劉家坡宗
第攻平津橋令人四山呼曰賊敗矣賊大駭棄城遁
申炳章送令回城計稟護撫韓超謂已與炳章克復
計得調署遵義縣炳章得保候選知縣加同知銜効
忠團竟無一列保者

秋七月計令募練五百人命申維藩統之與協成潔行
二團共攻獨山先令陳元順攻網子漢以斷獨山右
背元順運大礮於紅花嶺下擊賊營賊不能守遂克
網子溪維藩亦運黃都壩炮以攻獨山賊於壩內掘
土坑避之擊不中遣兵斷其水道賊又有別水可汲
相持兩月不下賊中有賀成賓者本徐家壩降賊維

藩愛其勇收置帳下後因罪復入白號一夜忽來謁
維藩曰田元所恃惟岑頭蓋募來之數人耳若畀以

重賞縛元獻麾下小人亦得免罪歸耕何幸如之維

藩信之約於山僻處交銀及往被擒送岑頭蓋

四於鄉正

嚴相團兵驚潰賊由新場逼城城中差練橫行計令

遣馬宗第堵雷家寨又以無食散歸遂不候代馳赴

遵義縣任

秋九月田令慶治來署縣事

湖南鳳凰縣貢生
督師田興恕族人

自計令去

任至是已一月無官矣田令調湘勇四百名令王國

都濡備乘 卷上

二十六

黔陽文通府局代印

學田應祥

皆湖南人

領之留土練百人以陳元順爲後哨

長歸應祥節制

元順後以罪亡入賊中頗爲
患田令以書問之爲賊所殺

重整團

規築寨垣選壯丁嚴捍衛重盤查並抽釐穀

田督師
奏行

十石抽一石以一成歸鄉團一成歸城局八成解省

地方有事仍許動用設袁家灣釐局

距印江三十里
爲布商到聚所

必經印江稟設在此月可得五百金軍用稍裕

冬十一月荊竹園賊復陷塘頭初熊軍克塘頭進攻荊

竹園令第五屯三道水以逼賊巢而自與金吳軍屯

十二山白羊坪新場坳以爲之繼煥章旋奉調赴甘

肅巴里坤金吳接統軍塘頭斷我後路糧運頓絕乃
偃旗臥鼓取道南盆坳以歸思南未幾吳鄧軍復克
江口塘頭留兵守之進攻茶罐屯宏勝受炮傷回郡
鄧軍獨進又克郝家屯巖門山各巢抵大小二屯賊
方遣使乞降而塘頭復陷時宏勝傷病甫愈急率兵
至江口連戰兩旬殺賊無算軍次芭蕉溪賊伏四起
宏勝戰死金軍走銅仁鄧軍亦回許家壩自是思石
兩郡有官無兵者數年所屬團寨大者僅自保小者
或降或逃鮮有能自立者劉逆居岑頭蓋立中營以

都濡備乘

卷上

一二十七

黔南叢書

貴陽交通書局代印

義子么老冉八鍾四領之幹家山田家灣雙山趾任
家巖分設四卡立前後左右四營以田修德包天祿
安麻子何八領之江家寨爲起事之地特立老營以
備駐宿時何恭旨已死以其子繼述領之王夢蘭營
廻龍坪

距亭子
棋十里

安怡然營山梨蓋秦黑鬚子營秦家

寨胡黑二營大堡唐宗營白鶴洞史熙堂營銅鼓山

李麻三營巖柯營

距秀水
數里

楊和風營龍盤溪李麒

麟營確山劉勉

力登切
音榜

爺營尖山何丙貴大頂嚴香

亭營貓貓巖楊萬芳營沙坨田歪嘴營廟壩黃號殺

人王營偏刀水李么公營荊竹園實繁有徒不可悉
記僞封何繼述爲黔陽王夢蘭爲師公安怡然軍師
其餘元帥將軍鄉正千里等目甚多

冬十二月安怡然與姪雷豹復圍龍泉陰結練總桂某
爲內應李璠求救於安宅仁時宅仁已克裏保堡收
得倉穀數千石號召丁壯勢復振乃冒圍謁茹令請
誅桂茹以無形迹不許令出屯鳳凰山桂每夜導賊
登山列炮下擊守陴者多逃亡旦夕不保茹妻仰藥
死已亦朝服待殉而石阡千總方以三十人至謂茹

都濡備乘

卷上

一二十八

黔南叢書

貴陽文通書局代印

令曰賊之夜攻蓋窺我守備空虛圖萬一之幸耳請
於城上每二十步夜值一竿橫索懸香時時搖曳若
邏卒往來之狀天明則去之令擊柝者繁促其聲不
使辨多寡如其言賊果疑不敢前又與茹閱獄卡得
囚五十餘人謂之曰汝罪不赦能從我殺賊則不但
脫囹圄且有賞皆頓首曰願効死適裏三援兵大至
遂與璠分門而出內外夾擊擒斬不計其數安逆遁
去

同治壬戌元年春二月劉逆僞奉張三寶爲朱王劉逆

誕妄無幹畧初倚何恭言爲地主劉么老善戰稍得
嘯聚無賴偷息草間至是何劉皆病死諸逆團各據
山寨自爲風氣漸有不能相下之勢乃詐稱某年某
月真天子卽位以涇潭縣三土關民張三寶冒充前
明子孫立爲朱王僞號華漢於岑頭蓋建宮殿府署
別築將臺拜劉逆爲相其餘僞職各仍其舊建昭忠
祠祀何恭言以下徧布僞示自稱莊烈十二世孫又
稱粵逆洪秀全滇逆杜文秀爲母弟欲以煽惑人心
識者笑之卽其黨亦不信也

都濡備乘

卷上

二十九

一

黔陽文苑書局代印

春三月張家灣賊王夢蘭屢犯萬壽屯磨溪以窺思南
皆爲唐鄧所敗賊忿甚悉衆數萬來攻許壩冠羣詐
死乞降賊恃衆長驅直入第武與所部杜應洪陳金
定張玉貴李萬發陳秦發等伏兵要截斬首萬級俘
僞元帥將軍以下百三十人未幾賊犯甕安餘慶第
武奉石阡守徐達邦檄調復解其圍田督師上其功
擢千總加守備銜

夏□月僞帥秦黑鬍子率衆二萬由環巖土井溝繚林
襲陷郡城分黨圍舉人饒以爵饒家壩

在小岩關外數里第

武聞之急由大樑渡河令大隊屯繇林以截賊後自
率勁兵二百夜決賊圍叩饒壘饒軍疑不敢啓且投
石焉第武無奈退至一小山列陣以待賊圍數十而
鏖戰竟日將不支適繇林軍自後馳至饒軍亦開壁
而出內外合擊斬首千計擄賊目百人秦逆解圍遁
以僞旋以憂勞病卒

夏四月劉義順以朱王初立未展武功乃合八逆圍衆
攻龍泉連營四十里號稱十萬日夜圍攻李璠多方
禦之茹令徵四十八團入援皆畏不敢至安仁遣次

都濡備乘

卷上

二十一

黔南叢書

貴陽文通書局代印

子仕優率壯士五百爲前鋒自統大軍繼之仕優徑
入賊營見數賊方博問大衆何在或云赴飲某所或
云打糧未歸卽殺博者燒其營更入一營亦如之知
賊氣已怠繼城謁茹令急發在城精銳與宅仁夾擊
之賊初見二營火起以爲援軍大至欲相抗拒而悍
酋多出掠倉卒難齊於是四散狂奔各不相顧我軍
奮力追勦擒斬數千人墜巖落澗者更不計數朱逆
與怡然等變服雜衆中遁去

夏五月田令遣潔行同心歸化効忠協成守禦六團萬

人及王國學田應祥練勇三千攻獨山應祥敗還楊柳河國學繼進猛攻六晝夜士卒多傷諸團欲退國學密啓田令以可取狀田令夜馳至軍督攻益急遂克之獲賊將田二木匠及男婦百人田元奔雨壇堡後復據闌干子王作霖襲斬之

十八日令攻石梁壩壩後有吊嘴賊營極險峻王作霖屢攻不下會城中獲賊諜當斬作霖請免之諜感其義引軍從僻徑而上遂破之獲糧無算於是王國學田雨金鄒明彪文代釗諸軍直逼楊柳頭賊營賊於營之四面徧抽鐵釘軍士攻之多傷足欲還渡楊柳河而渡船奉田令之命皆泊兩岸莫敢過河乃屯於北岸賊見我背水爲營自趨絕地糾合石梁壩清岡嘴之衆空巢來犯戰方酣忽見賊營火起則田令奇兵已由他道渡河逕據其巢矣於是賊倉皇四竄俱走羊鹿壩作霖沿途追擊獲牛馬甚多胡黑二馳援不及道過細沙溪又爲作霖所敗還走小壘

夏六月涓賊吳元標陷綏陽元標涓潭人少勇敢與藍山虎薛輔臣等十八人結爲兄弟唐逆之亂元標集

團七星坡屢挫賊鋒東扼涓匪西屏遵郡遵義縣歲給以餉及于鍾岳署縣事有譖其擾民通賊者

元標營在戰陣

謂賊帥安雷豹曰汝敢入吾軍乎雷豹單騎直前元標服其勇置酒送歸由是餉不時給

元標赴縣陳訴復爲所囚山虎等不服破獄出之遂回七里坡連結高台黃號共攻綏陽時縣官邵維新以平越直州牧兼攝涓綏到綏三日被圍困守四閱月大小百戰殲賊無算援絕糧盡斗米十金易子析骸民無畔志至是城陷維新先令家人自盡而後朝服升堂罵賊被害

都濡備乘

卷上

三十一

黔南

貴陽文通書局代印

田令克七星營營在天半寺側令張光朝守之以遏賊出路又令鄒明魁屯天半寺以護糧道招降闌干子天井塘賊七百人以曾白四楊興科領之名其團曰順存

王國學攻獅子山山有險卡三道久不下賊黨鄒明武內應乃克之遂合潔行守禦歸化順存四團之衆進攻兩壇堡僞靖山王李治高逼令申維藩致書其兄炳章請退兵炳章不報治高手書遺炳章曰不知縣官何故犯我白地聞爾實在戎行爾弟爲獨山擒賴

冬十一月田令圍廟壩先是八月間田應祥攻廟壩不利失亡士卒器械頗多田令親臨督戰賊敗入巢田令以白土坎俯闢廟壩且爲兩壇堡來援之路遂自立營令鄒明彪營馬道申久翊營魚門以通糧運自秋徂冬相持不決副將龍載福軍自正安來會賊乘其未定悉銳迎戰龍軍幾不支田令遣馬道軍橫截之白土坎軍尾抄之賊大敗閉寨不出

癸亥二年春正月田令以歲首有事留田應祥守白土坎而自還縣城賊糾衆萬餘先破歸化同心義正各團營分黨至七里營鈔我糧道應祥棄營走渡豐樂河載福軍亦還正安

夏四月正安奸民冉乾一因抽釐穀局犯城新撫張亮基聞之出示撤釐穀局婺邑練軍乏食裁散過半田應祥出防豐樂河兵不滿百協成効忠靜鎮義正各團及富戶申允執允德二古錘等視官益輕徵兵勸糧百勿一應官不能擊賊民寨多爲賊掠賊日富而民日窮嗣後各州縣紛紛請餉院司無以給復許抽收釐穀改名義捐而百姓不奉命矣

夏五月粵逆石達開大股由滇入黔至遵義府界爲田
興恕所敗其黨李復猷由牛渡河竄至縣屬之絲綿
壩中觀音當陽園連營八十餘里効忠清正兩團戰
不利田令親至涪洋場煙墩督團扼險十戰皆捷賊
由江邊走黃土坎團民楊勝柏拒之於老鷹巖復不
得逞乃由后坪王家坨渡河入川

千總鄧第武攻克八團時許家壩外又有八大團許惠
林屯白虎嘴小安保屯全堆張洪生屯井堆趙宗發
屯趙家壩蕭鳳林屯蕭家寨張三慶屯三會溪彭學

都濡備乘 卷上

三十五

黔陽文選卷八代印

才屯堆上劉光前屯泥溪溝時號八大金剛見第武
聲勢日隆懼爲所併屢連賊攻其營第武困守九旬
糧援兩絕覷賊稍懈開門奮擊斬驍會三悍黨數十
其夜更選健卒四人先蒸賊屯十六人持短兵隨後
衝蕩賊驚起夢寐中奔觸顛仆被砍無數比明鄧以
大衆乘之遂破白虎嘴陣斬千人惠林遁去進薄蕭
家寨鳳林陽乞撫第武入伏炮猝發幾被傷與親兵
十人力戰而出寨民懼禍縛鳳林出獻斬於軍前移
攻金井二堆河西賊來援擊敗之二堆降三會溪張

三慶亦伏火槍於垣上欲給第武入望聞有備乃止以卑受撫而堆上彭學才怙其勇招之不應第武令人各肩薪一束欲燒賊壘反爲賊燒傷十一人支體灼爛者四人第武大怒方圖報雪賊忽棄營夜遁泥溪溝賊聞亦遁八團皆平

夏六月鄧第武平南盆凸先是田修德犯溪底據大小紅巖團紳杜春山吉急第武令陳泰發等赴之月餘盡復諸壘斬其魁首修德詐以二十餘壘洞乞降請第武往受第武以四十人行過冷飯關詢土人云關

下十二里至半巖石路紆側有洞深廣容萬人其外倉厥林立爲賊糧所聚自洞扉出西行十里卽修德營也第武以地形奇險遣弟第芳還調兵以防不測翼日造半巖洞口路逼穹崖僅通一騎果如土人言及抵田營聞不見候卒使人入詢則稱修德他出第武知中計急由故道還走甫過半巖日已暝賊以巨木塞上關伏兵列炮節節狙擊部將杜應洪厲聲呼曰能戰者隨我來各手小槍從叢林間且擊且走適第芳兵至號炮齊鳴賊不審多寡各鳥獸散是時賊

在半巖邀截則匹馬不返矣居三日偵知修德是夕
中槍殞二十一車皆來降第武簡閱各車精銳得五
百人以歸

安宅仁團衆日盛襄保堡不能容乃分營於紗帽山大
巖門橋頂山墾荒而食僞范王率衆二萬連據觀音
山青連台宅仁迎戰兵敗退入紗帽山賊圍之數重
絕其水道陰溝濁潦皆盡困渴不能支頻使告急第
武令杜應洪陳金定等二百人分四路潛進夜三鼓
突入賊圍縱橫掃蕩宅仁亦分軍出應表裏合擊擒
斬萬計范逆率殘衆遁去

都濡備乘

卷上

三十七

黔南叢書

貴陽交通書局代印

秋八月胡黑二復據乾溪興國與平頂壩軍功楊德友
本相唇齒後爭蒲口壩叛產有隙德友還屯桶口黑
二聞之賂青號攻興國連破數營興國擊却之會興
國有病黑二夜由梅林寺襲據乾溪憑高下擊興國
戰不利走保墮坪賊燒黑鉛溪黃家壩復攻墮坪田
令遣同心孝義二團救之不及興國棄營奔縣城
秋九月胡黑二由紅巖坪過柳塘河直入南關之沙牛

坳時田令新回任

先是上撤田令仍以計令代之紳
民以由令善戰強團屢戰狂寇

非計令所及其請員生高元晉入首乞留張撫帥面詢
情形竟如所請計令七月十二日接印二十七日卸事

城兵不滿百人調團不及百姓欲逃田令止之入訣
家人令運火藥數箱入於臥內爲聚焚計卽出發兵
拒戰須臾敗還或請速行田令叱之曰官與城共存
亡他非所知諸君能再戰則吾爲之首衆許諾得死
士二百人令練長滕得茂將之前行而自佩劍乘肩
輿陳鹵簿隨其後命鳴鑼者不許輟聲諸吏役執旗
助勢人心大壯申長才槍斃二賊德茂揮刀繼進復
斬三賊田令呼曰賊敗矣我軍大呼馳突聲震山谷

都濡備乘

卷上

二十八

黔南

貴陽文通書局代印

賊退過柳塘河是夜道令襄義兩團復至軍勢益振
翼日追敗之山羊巖賊走羅溪王作霖聞胡逆犯城
乾溪守備必虛夜越卡破二賊營直抵老巢賊方聚
議掩殺之無得脫者凡黑鉛溪黃都壩墮坪所掠財
物盡爲王隊所有胡逆聞之棄羅溪夜遁仍還小屯
貴東道陳昌運統道標各軍駐沿河司胡逆自小聖來
犯立營三尖堆時其弟黑三馭下酷虐已爲某酋所
殺賊勢頗衰昌運遣鄧第武擊之第武購間入賊營
期九月二十八夜舉火爲應至夜賊營火起麾軍直

入黑二驚悟見火光中莫非官軍旗幟不及抵拒從後營出走比明福星團亦至乘勝逐北連克牌坊卷子坪香爐山關頂各巢從逆諸寨亦多反戈相向其養子某知事已去夜縛胡逆出降斬於苑山寺王懷青孝廉云黑二敗前旬日適值生辰諸逆黨釀筵上壽方共歡飲忽樑間一丈蜈蚣墜死席前二尺餘紅黃色黑二一見連呼好不好未幾遂敗其子胡毛以幼稚獲免寄食姻家每夜見千軍萬騎號呼索命必昏仆一二時方蘇形體日枯久亦死胡逆據河東

都濡備乘

卷上

三十九

黔南叢書

七年郡屬團寨徧遭蹂躪至是自紅坳迄齊灘賊無遺種民慶再生矣

冬十月玉華山號匪破絲綿壩初絲綿壩生員唐鍾鼎與邱氏女私通誑其父母云女天仙下謫不久飛昇刊播詩歌稱爲大化音

猶言觀世音

自稱教主招誘少年

日夜禮拜宣講問禍福者如市或有以賊爲憂者鍾鼎曰有大化音在何懼鄉里信之遂不設備至是賊

至鍾鼎與子弟百人皆被殺大化音被衆戮死棄屍

道旁賊分三股一由丁木坳出正安一至安司溪一

至槐坪舊城韓家溝等處州屬團寨大遭蹂躪

甲子三年春正月僞朱王犯龍泉爲李璠所敗遂約苗
號各匪五千人由土溪至黃都壩田令遣田應祥堵
沙子槽隘口應祥所部湘練皆老弱不任戰又無守
備賊黎明入隘應祥臥未起部卒曳之奔鹿池坳賊
至又奔推磨旋賊直入魚戀溪田令調申允翊王作
霖禦之作霖與戰於芭蕉關兵敗散去田令亦入推
磨旋寨賊長驅入城盡毀民房廟宇居數日食盡田
令懸重賞遣五十人夜驚賊營賊不勝擾遂出北門
至涪羊場團首李榮畿堵大路坳賊由間道破之殺
宣講卅瑞蛟大肆焚掠向正安以去

春三月邑大饑斗米銀三兩民食草根樹皮皆盡至五

月並無顆粒入市時龍泉設有藍白號米場公局

呼賊

官兵爲藍號時白號賊官紳籌款令監生田宗高往

有米出糶設局交易糶源源相繼民賴以生田令兵乏食以李四壩蒲家

山民從逆各罰錢百千又攤派馬十丁蓮蓋池軍糧

皆不受命乃添設王家坨二城釐金每月可得千金

未幾又爲本府稟撤

夏四月清江團兵圍蘇洋場初蘇洋場廩生楊文鵬負才不羈僞朱王以其團小而孤屢書招致文鵬笑許之蓋欲誘其來而擒之也李璠聞而責之文鵬答書有實者虛之非武夫所解等語璠大怒遂誣文鵬通賊請於官檄四十六團攻之場口萬壽宮有樓三間地形最高璠兵奪據之列炮下擊民廬傾壓死傷不可勝計文鵬舉家號泣朝夕待破時諸團皆知文鵬之冤不忍往攻亦不敢赴救安宅仁在裏保軍謂所親曰魯玉一時任性後必悔之吾不可不爲之解遂

都濡備乘 卷上

四十一

黔南 卷上
貴州文通書局代印

遣宋廷德宋國興何萬奎等數十人馳入璠營手擎巨炮以出璠衆咋舌立時奔散復令文鵬服罪璠釋然

賊帥劉某犯鸚鵡溪洞口石坎紙房溝署貴東道趙崇慶督兵拒之賊深渠峻壘編巨杉層累爲柵伏苗槍其中我兵數攻不利千總鄧第武據其外柵傷軍士百九十人健將張占標潘洪升周正富周連升安同生李萬發李萬富吳爾明趙洪恩等皆歿於陣衆忿甚乃築矮牆掘長濠炮聲隆隆環宵且不絕而月糧

匿人日得包谷一握而攻擊之益勤賊不能敵會大
雷雨突後柵遁去我軍冒雨窮追至張家灣俘數百
人以歸

夏五月朱逆據核桃河以窺龍泉安宅仁擊走之

秋八月青黃白號匪至虎門時田令在下五里署中眷
口避居水渦坵賊見芭蕉寨扼要料不能過遂出龍
燈橋由上壩木坳當楊園黃都壩大掠糧畜財物歸
廟壩賊又襲破埋頭山落口礮白虎三寨又與雨壇
堡賊燒鹿池坳

都清備乘

卷上

四十一

黔南叢書

貴陽文通書局代印

乙丑四年春正月青黃匪陷正安州州城堅固軍興未
嘗失守四方避亂者多托居焉去冬十二月偽朱王
竄米糧渡州官募練四百人以資戰守練見城中繁
富陰招青黃號賊刻期內應二十八夜大呼賊至閤
城大擾皆棄妻子奪東門以出是夜賊實未至次日
始入城

賊至小巖頭圍文生田宗烈營宗烈親發巨炮斃賊渠
數人壯士何萬奎出擊之賊敗遁

春三月荔波知縣劉侶鶴來署縣事

湖南監生
年七十餘

黃白號匪失和黃號攻兩壇堡僞鄉正嚴相戰敗求援
於王作霖作霖懷晉獻取虞之計遠諾之僉謂彼未
投我出援兵是助賊也名義不正不如效卞莊搏虎
之謀待其兩敵作霖終以機會難得密約孝義同心
守禦團兵二千赴之賊人給米一筒令駐堡外我取
重華寺方許入堡次日作霖攻克之嚴相夜出大令
一枝召作霖入堡計事作霖懼中計夤夜遁還其留
者悉爲所虜

夏五月新授雲南布政使劉嶽昭統兵二萬由川入黔

都濡備乘 卷上

四十二

黔南叢書

貴陽文通書局代印

克正安州檄永協團安宅仁隨軍助勦盡毀七星坡
賊營圍綏陽七閱月引水灌城塌其垣數丈道員張

日崙入城招撫元標乃降

元標後改奇也官至
雲貴營標中軍副將

秋九月修文縣知事桑九河來署縣事黃號入兩壇堡

殺賊帥廖麻頭僞鄉正嚴相廖耀皆來降

生員田體
藩云麻頭

爲其下馮老潤所殺老潤後在
土溪見麻頭索命號呼而死

僞范王糾衆四萬聲言屠許家壩千總鄧第武方署思

南游擊悉發精銳遣陳泰發援之至夜賊忽間道襲

城突入小巖關署安化令廖遇春邀第武同渡河第

武不許率親丁十三人迎戰關內手刺兩旗賊退據
高阜炮石如雨我軍不得上卽分從丁數人由壘口
抄出關外排槍猝發賊腹背受敵且黑夜不測多寡
狼狽遁去時郡城老弱夜無可避哭聲震天相率走
河干待欲覓死忽見關前賊炬漸去漸遠莫解所以
及明第武唱凱入關始知賊退皆焚香羅拜第武又
集兵練百人追賊板橋並調陳泰發回軍夾擊擒斬
無算附近數十里賊踪盡掃郡中紳士爭爲歌詩並
勒碑小巖關以紀戰功

都濡備乘

卷上

四十四

黔南

章

貴陽文藝書局代印

冬十二月十四日黎明廟壩賊至平津橋有邵姓者出
南門遇之反走大呼城中之人皆從睡夢中驚起不
及披衣紛紛出走文武官入推磨旋寨皂役陳清爲
其弟成婚賀客盈門勢無可避乃以桌椅塞路與之
巷戰殺賊二名會附郭團兵來救賊始退而城空如
洗但聞啼饑號寒

丙寅五年春三月奉學政黎培敬

後官黔撫
本臨文肅

行文補行

咸豐丙辰至同治丙寅八屆縣試時廟壩賊屢渡豐
樂河劫掠附郭村寨農民不能耕考生不敢至乃令

潔行守禦二團防豐樂河以便耕試未幾以無食罷
還賊遂據豐樂壩令河內從逆各寨盡毀居廬遷入
壩內更築堅營大爲南路害

冬月浙江布政使李元度統領赴援各軍攻荊竹園先
戰不利守道陳琴山薦鄧第武卽召問之第武曰荊
竹園前阻三隘曰白卡曰蠟蟆口曰羅家巖道狹而
逼僅容一人一騎其外石壁周環峭立萬仞此一夫
當關萬夫莫開之地也李曰然則奈何曰此巢雖險
糧無所出惟恃河西江家寨秦家寨爲之資援耳河

都濡備乘

卷上

四十五

黔南叢書

貴陽文通書局代印

西山路稍平進兵較易若從許家壩入搗河西絕其
糧援則不攻自下矣李曰善卽令提督邊統章字三
營第武領前營並安邊振武四新營屬之曰河西之
事一以委君

丁卯六年春正月水渦坨奸民劉七申文海常托牧羊
往來廟壩期十夜入坨與龔康聚賭令賊伏寨外以
俟開門爲毛壩頭民所告桑令密諭寨董俾爲之備
至夜七文海果來議賭寨民執之賊驚遁

春二月候補同知謝邦鑑來署縣事

重慶

年二十時賊在豐

樂壩日謀犯城謝令求能堵牛塘者保正王永文舉
王萬福洞識賊情緩急可恃乃月給錢五十千令募
五十人往堵萬福盡飽私橐實未招一人

春三月王作霖攻豐樂壩令唐占彪王萬福爲前鋒屯
青岡坡而自新場賊忽繞出兩軍之間隔我糧道潔
行守禦兩團援之阻賊營不得達前軍乏食萬福降
賊作霖占彪奔細沙溪四月初三夜賊倍道襲城城
中於五鼓時得牛塘民報官民俱奔推磨旋賊入城
大肆擄掠幸未傷一人

都濡備乘

卷上

四十六

黔南

叢書

貴州文通書局代印

夏五月廟壩賊由魚門渡河時謝令在黃都壩與趙國
瓊議招牟六合練衆堵壬午村未發賊已至大竹園
六合邀擊於打蛇溪殺四十人擒八人解縣正法

夏六月偏刀水賊入溜水戕釐局唐委員屠義正團寨
死千人團首慶武走免先是協匪平後所遺逆產盡
爲慶武所據田令前勦獨山及兩壇堡徵糧與兵皆
不奉命至是盡爲賊掠同(治六年正安小三甲職

員雷震聲等公稟慶武與子興義興禮本協匪逆黨
乞降川軍幸逃法網協匪平後所遺逆產皆爲慶武

所占歲收租穀三千石又占州屬水口寺楊連奎逆
產租穀七百背猶不自足招聚匪類破十一寨掠四
百餘家殺傷百計正安婺川彭水及唐道炯行營皆
有控案可稽七年冬唐道部將劉順望擒斬興義慶
武復逃免云云十三年夏劉令樹勳駢誅慶武父子
案內有兩稟稿一稟慶武充當團首與次子興禮燒
殺淫掠無惡不爲甚至擅受民詞私設刑具正婺兩
屬控案如山歷任傳提從不一至慶武居大寨興禮
居窩子坨相距五十里各築堅壘聚川黔亡命數百

都濡備乘

卷上

四十七

黔南叢書

貴陽文通書局代印

人爲護隊團丁數千人一呼卽集故民間有濯水府
婺川縣之謠興禮尤凶暴人皆稱爲黑神此次奉憲
札親赴濯水一帶編聯保甲該父子避不來見反借
軍需之名按寨斂錢並於住寨四面樹旗鳴炮聲音
抗官卑職陽爲不知照常傳換五月二十五日父子
傾巢而來先堵東西場口然後入謁卑職一面遣勇
敢二十人間道搗其巢一面遣丁役數人伏於暗室
該父子甫入卽羣起斬之發炮升堂以兩首級出示
場民見之歡聲如雷賊黨大駭還走其寨我軍卽以

賊炮擊之連斃數人餘皆四散奔走遴派申允拔龔燦奎魏省三等接辦團務云云此稿猶存一稟慶武所占逆產撥歸書院作爲賓興膏火此稿未見但見各憲批回照准飭卽詳明立案等因

秋七月涓潭縣知事唐成榮來書縣事有陳萬福者以三百人由川來婺儀壯頗偉口操楚音自稱前都勻副將奉川督駱黔督曾委勦廟壩飭備軍糧等語唐令索觀委扎不得心疑之然是時賊連掠壓腦山木嶺不能不藉資鎮攝適值豐樂壩賊曾要三投誠乃

都濡備乘

卷上

四十八

黔南 卷一

貴陽文通書局代印

增萬福壯練五百人稟明上憲令駐豐樂壩兩月無功專作威福唐奉上憲批廻云萬福妄稱官練悖逆已極留之必爲地方之害乃撤其兵遣去之萬福至絲綿壩併野練杏紅光之衆又稱虎威軍時四川成副將領虎威軍方防江口密稟駱宮保云萬福借我軍名擾害地方移咨黔撫札飭就地正法萬福不知會千總張鳳翔誤殺潔行團首文代釗家其弟文七乞爲復仇遂復以四人來城寓居聶宅唐令遣兵圍

殺之撫散其衆

冬□月邊軍出思雄關取鏡鉢頂擒賊渠戴老冒自立
大營守之遣第武與唐冠羣安宅仁等分克太和營
四葉屯雙扇門川洞崖天地坪賊穴進屯望天營賊
據確窩山三面石壁如巨環中通一徑我軍往輒破
抄而江家寨附壘尤多最著曰大頂羅二頂四方頂
等頂將台凡十餘所攻此則彼應或伏精銳俟我收
隊來邀頗形棘手第武重賞土人覓得小徑至夜分
軍爲三首隊二十人由大頂後山攀崖上二隊銜枚
由正路潛進以燒賊壘三隊大軍夾攻之克大頂比
明劉義順何繼叔悉銳來攻我軍憑高列炮白辰迄
酉擊斃千計度賊將歸選捷足二十人馳入羅二頂
先火其巢賊奔救不及又爲我軍所拔乃分調洋槍
隊二百分配各營共撲江家寨又遣陳泰發率兵五
百伏流水口安家溝以待是夜諸軍急攻江家寨賊
守禦移時卽由寨家寨奔大山我軍捲旆隨之至厚
城壩其黨備船十艘欲渡泚水口劉何與左右數百
人甫登舟伏兵齊起賊急以矛桿助篙撐過彼岸其
未渡者約二萬餘人多爲我軍所殺劉逆奔上塔坪

何逆奔偏刀水江秦二寨悉平第武卽由郝朋溪搗
狀官頭僞帥陳老冒唐么大與黃說二千人棄營遁
於是荊竹園糧援俱絕

冬十二月貴州按察使席寶田軍至荊竹園周覽地形
謂李元度曰非據此崗則賊砦難破元度如其言往
寨二壘寶田以師繼之賊悉銳來爭席軍遽退李軍
亦棄壘退還聚日席軍獨前據壘賊復來攻擊之既
得北崗砦賊無固志矣

戊辰春正月席李軍分攻東西二卡直薄柵門元度部

都濡備乘

卷上

五十

書

將黃元果先登遂克荊竹園斬僞蕭王李么公等萬
人拔出難民八千人

春二月大軍抵龍蟠溪及紅巖僞帥安雷豹張某以二
十餘里來降進攻仰窩壘其地兩山交峙如蓋危不
可步民仰石級效猿升或負重轎上之待其壯以耕
稼穡肥美食不外求先時提督蔣玉龍鑄巨炮轟之
經年不克而去更其名曰新官壘至是僞帥張鈞鈞

張洪興亦率萬人出降兵始入塹朱村人仙峯之賊
合黨來攻大爲所敗乃令第武攻之冒雪潛進先克

朱村而人仙峯四面阻水左右兩壘並據危坡爲偏
刀水門戶賊又依轟樹堅柵三層每重以百人守之
第武令張字中右二營攻右壘以牽賊兵而密簡奮
勇八十人分爲二隊首隊以生梨樹縛作撞桿夜五
鼓偷越左柵濠溝撞破卡門一擁而入後隊繼之賊
捨死格鬥不移時敗退平明大軍畢至殺賊千人餘
逃偏刀水

春三月米團堡賊鄭步雲左得壽等三千人由門鼓子
突入東門時唐令晉省典史袁紹裘代理縣事走避

推磨旋賊燒民房大半一宿去

夏閏四月川楚各軍分克河東賊藪陸續皆會偏刀水
屬大雨兼旬堵水灌賊巢垣不沒者三板水退又築
長圍掘地道就石洞鑿大炮舂石作子重數百斤轟
擊如巨寇雨越月不下何逆使人來告曰寨中軍糧
不乏許降則降否則寧一戰以決雌雄席李二帥遣
第武往會之則下吊橋延人見三濠水滿石壁牢固
何逆與僞大總督王老柯僞王朱老山田興朝李月
明田書文楊奇清等九人拜伏道第武曉以利害撫

以恩信卽令導觀各營兵馬資糧實尙非少用謂何
逆等曰明早可來我營至則皆羈留之時賊黨畏我
屠戮未敢遽散第武察知其意乃稟商統帥遣老弱
婦女分牌先出給以口食甫出三牌賊衆惶亂我軍
乘勢殺入斃賊數萬何逆等九人皆伏誅

候選知縣馮翥鵬

江甯人

來署縣事時諸軍克偏刀水分

路來婺一由黃都壩一由豐樂河俱集廟壩

夏五月官軍克廟壩賊首田歪嘴左得壽投誠

秋七月官軍平玉華山

都濡備乘

卷上

五十一

哈南渡

附記

夏有幅婺屬涪洋場之石燈壩人酗酒無賴與從
叔夏六火連里繇壩民龔林老冒石槽水申保林
等同惡相結專以造言亂政收悅鄉愚而因以爲
利光緒十年邑令羅慶春奉檄勸辦義穀有幅糾
衆抗捐諸鄉觀望善舉遂廢慶春捕之不獲十三
年夏左令以卿復奉檄勸辦并以札溪文生李榮
畿董涪洋捐務先是咸豐戊午正安州牧于鍾岳
勦賊婺川榮畿於涪洋團局歛錢穀供軍于軍去

餘頗多榮畿因之致富至是科派捐戶多寡失均有幅乃倡言於衆云榮畿家有戊午餘谷數百石何必復捐鄉民遂信之遂無升斗入倉者以卿聞之遣役田珍傳詢七月初三日珍捕獲有幅慮其黨要刼繞道榮畿家索團護解方炊飯間六火連林老冒保林糾率百餘人持械膺至鎗斃榮畿從子武生炳陽從孫子雲縣役李興茂傷田珍等數人盡擄牲畜財帛並毀宗祠居廬擁有幅以去以卿聞報請驗通牒大府請兵緝兇巡撫嵩批飭正

都濡備乘

卷上

五十三

黔南

卷一

貴陽文通書局代印

安防營王金鰲石阡防營周有聲赴之而署思南府周繼煦獨咎其操切釀變並捏左稟中有該匪遠颺人心安靜之語轉啓大府以尼防軍之行未幾思州守恩綸來代稟牘之間亦入繼煦且留鄒軍不遣於是省中當道頗疑以卿欺罔解其任以區令汝謙代之並飭提案歸府當是時夏龔申三逆各築營壘製鎗炮旗幟聚衆至數百人陰結川匪蕭國棠等將圖大舉徵餉於附近團寨被掠者紛紛來告而恩綸仍執化大爲小之說不肯用兵

屢遣嚮人蔡世瑄傅東藩等勸導有幅不聽汝謙
獲有幅從弟德洪不殺遣歸諭有幅赴案亦不至
十四年冬月汝謙欲親入賊巢解散徒黨爲措手
地行近涪洋場輿夫失足汝謙墜崖死鄒令瑞僂
劉令齊賢相繼署任窺視上意更不敢有所作爲
李榮畿上控之狀無慮數十紙院司道下府府則
照例催提縣則照例移營勒差年餘未緝一賊賊
益無顧忌分黨四出近則搶掠米穀遠則牽奪牛
馬搜索銀錢不與則殺其人而火其居甚且奸佔

都濡備乘

卷上

五十四

黔南

叢書

貴陽文通書局代印

婦女而仍勒重資取贖數十里村寨無不受其擾
害清廉團首唐懷清教中團首馬玉甲康樂團首
涂肇程等連書告急官亦無如之何惟飭嚴防謹
守而已十六年秋實授知縣賈蒞翹梧任時川軍
壽字營與后坪防軍共剿土匪馮天貢有幅等率
衆赴援沿路殺殺掠翹梧遣役冉洪資諭戒飭有
幅加以非刑僅留餘息曰歸語爾官秋成將屆吾
統率大衆到處皆糧若欲吾不犯城則此間事請
勿過問洪歸數日竟死時總兵黃錦昌率朗洞練

營半駐邑城半駐涪洋場每處號稱百人實不及
五十人翹梧不知以爲足資臂助遂商錦昌以林
老冒最爲賊魁令涪洋哨弁談錫光先攻之而自
簡在城精銳往司援應九月十九日錫光抵里縲
燭不見一人縣役某先入賊壘取紅啤機被以出
練兵聞狀答云賊已逃匿而積蓄頗多練兵聞之
擁而入方事搜括而林老冒與諸悍黨忽從屋後
突出火鎗齊發斃步兵李國忠譚盈財我兵亦鎗
斃老冒之弟龔三退至山半申保林率衆攔截亡

都濡備乘

卷上

五十五

黔南叢書

貴州文通書局代印

步兵李清榮錦昌聞報救馳又亡什長鍾得昌負
傷者八人我軍據險力戰賊始退翹梧回顧城邑
錦昌不敢獨駐亦撤隊回城林老冒遂合夏申逆
衆乘勝犯城行至桐木嶺族人龔士元力勸乃返
署思南守李之鏗得翹梧稟報急請銅松思石練
軍統領楊國寶赴婺籌辦布政司王德榜按察使
王槐森雖允所請而終疑翹梧張皇委同知呂樹
勳差官耿自新先後來查樹勳稟覆如翹梧言而
自新陰入賊巢受重賄還言有幅等與李榮畿狹

嫌械鬥並未聚衆謀反前次官兵到彼林老冒遣
弟老三出問被殺又燒其寨外房屋不得已而放
鎗拒擊等語藩臬以樹勳翹梧合詞欺罔並下嚴
札申飭十一月初九日楊國寶統領忠銅兩營攻
里絲壩林老冒戰敗率子姪出降又分銅仁營左
哨與松桃石阡兩營攻石塘水保林四面設伏陣
亡練兵三人各將奮勇前進連斃悍賊十餘人遂
破其巢保林退保胡家寨我軍圍之奪路出走追
至湄潭縣屬小魚塘擒之有幅見二寨已破不敢
復戰走匿馬鞍山爲朗銅兩軍所擒並獲賊將張
玉堂夏麻子劉老三夏美冉從沅及六火連有幅
妻子搜出號片鎗炮子藥刀矛不計其數散脅安
良馳報省垣時王槐森方護巡撫自怙前言終不
肯斥爲叛逆飭將被告解省文讞局訊問林老冒
六火連有幅保林各供前情不諱並及耿差官得
錢之事始照叛逆入奏斬於貴陽

黎仁孝縣屬后山壩人本覃鴨公頭之黨鴨公頭
誅仁孝逃免光緒八年與弟大麻子等挾黎才保

雙目剖黎海珍腹殺死王才元黎狗馮五三命賈
令翻梧詣驗簽差提訊幾爲所殺乃通牒大府請
兵剿捕仁孝益聚徒竄擾川黔邊界燒殺掠淫之
案不可勝計而賊衆應忽久捕不能得十七年冬
后坪委員周爲楷偵賊還寨與思南營將王國楨
夜掩之仁孝與大麻子黎黃毛等出拒皆殛於陣

清無錫楊宗瀛纂輯

忠義

申維藩號斗垣邑之桃湖壩人與兄炳章皆爲縣學生員致濟匪之亂炳章散財募士剿賊洞頭廬家崗維藩常思援應故所向有功賊帥申水煙三據大面坡鄒明彪攻之不克維藩調龍種背勁練攻其前而密遣生員申成章購通搖彭水賊卡攻其後賊敗奔長安壩我軍追之又奔偏刀水邑東二百里賊蹤盡掃旣而獨山降

都藩備乘 卷下

一

黔南叢書
貴陽文通書局代印

賊田元復叛計署令遠長令維藩統協成潔行二圍並陳順練勇剿之維藩令元順攻緇子溪而自攻獨山賊壘多掘土坑槍礮不能中遣兵斷其水道賊又有別水可汲相持兩月不下賊中有賀成賓者本徐家壩降賊維藩愛其勇收置帳下後因事復入白號一夕忽來謁維藩云田元所恃惟岑頭蓋募來之數人耳若陷之以利縛元獻麾下小人亦得免死歸田何幸如之維藩信之約於山僻處交銀及往被擒囚於偽鄉正嚴相營同治元年田署令慶雨壇堡僞靖山王李治高與嚴相勒

維藩徵書其兄炳章使退師炳章不報治高手書遺炳章曰不知縣官何故犯我白地聞爾實在戎行爾弟前爲獨山擒賴我保全若能退師則爾弟可望生還否則三尺劍恐不能再宥也炳章以書呈田令乃報書曰弟兄私情也討賊公義也來書所云僕何得能強官以必不肯從之事乎足下名列膠庠當知大義奈何捐妻子棄廬墓而爲此不道之事蹈累卵之地耶何去何從僕願爲先容焉舍弟身爲俘馘咫尺天涯旣賴足下保全是僕之弟卽君之弟也生死惟君所命治高亦不報未幾遂殺維藩車聞

都濡備乘

卷下

詩南叢書

貴陽文通書局代印

詔贈知縣世襲雲騎尉炳章號星垣積功保同知補缺後以知府用賞戴花翎賊平謁選吏部卒於京邸

覃元貞號雪松邑庠生居溜水之南客寨咸豐五年銅匪之亂各鄉奉札立團率多虛應故事惟元貞部勒子弟悉知兵法討擒教匪冉樓二威望頗著八年春致匪楊二掠邑城屯天平寺邑令阮文藻檄元貞與生員劉靖宇等分途進剿元貞由柏香壩渡河攻中路賊憑高下石勢如驟雨元貞率壯士百人冒矢先登賊棄寺南

奔追之至爾于子適靖宇兵由西路來會夾擊大破之
未幾致匪胡黑二劫豐樂壩遣其黨楊五復陷邑城阮
令奔南客寨與元貞議攻豐樂壩以斷賊歸路令桐
子圍富戶申允德出錢石步丁富戶項仁德出米供軍
初俱如議師至鎮南橋而錢米不至衆欲散元貞激以
忠義直抵豐樂壩得鵝池寺饋米及文昌達團兵元貞
子廷璧首先突陣諸團繼之大破賊軍蹙之豐樂河邊
溺死無算方欲進窺邑城而協匪賀濟泮反於濯水遂
引還濟泮者本元貞團丁銅匪梅濟鼎陷思南營從元

都濡備乘

卷下

三

附錄

貴陽文選書局代印

貞往援而其仇楊小白殺其妻子濟泮控於官富戶陳
周全爲之營救連年不得直遂與土匪王代周李治高
等襲殺楊陳家口各聚徒衆數十人房濟泮自稱忠孝
王所居曰太平寨元貞諭之不從自以密邇賊巢慮爲
所併乃集本團二萬人令覃其恩陳洪堯攻花台冲歐
陽觀賢向必義攻偏巖黎村田尙清陸裕德攻水口寺
面自督大隊應接水口寺者賊首楊三邦寨也四面皆
田左爲八角寨右爲大寨相距里許賊以大炮守隘與
尙清相持見花台冲火起賊陣忽亂尙清乘勢突入連

克三寨斬三邦其恩觀賢亦克花台冲偏巖黎村元貞大喜以爲賊不足平遽回念三坡爲從子娶歸而城賊楊五忽由沙礮子來援號十萬元貞倉猝迎戰敗入南客寨寨形如釜底賊圍之數重乘高置礮發無不中從子慶恩赴援兵敗被殺以手足送元貞元貞駭絕夜與子廷璧遁去賊乘亂入寨屠千人以阮令還城元貞與生員李治華入川請兵十年春川東道陳祖潤提督孔廣順軍至濯水元貞率團衆先趨積勞病卒子其恩攻拔雲峯寨降陸蛇皮四又從克太平寨花盆洞斬逆首王代周等戮濟泮屍協匪悉平事聞元貞卹贈訓道世襲雲騎尉其恩建昭忠祠於濯水祀其父母及陣亡將士

饒以爵號靜山思南府饒家壩人

距小岩
幽數里

道光丙午科

舉人敦尙名節有人倫鑑咸豐丁巳劉義順之亂以爵率團兵討賊讖副將鄧第武於卒伍拔爲前鋒渡石板溪攻木堯坡鏖戰五晝夜盡平賊橫巖銀匠洞賊巢軍聲頗振追至大尖頂爲劉逆義子劉老么所圍代理府事汪麗金徽仁合團唐冠羣救之阻卡不得進糧半月

糧盡先殺馬騾割死屍煮及皮骨賊屢說降不從所部
數千人亦無一變心者既而草根樹皮又盡率兵潰圍
值山河水漲溺死過半以爵僅以身免僞帥秦黑鬪子
再陷郡城分黨圍饒家壩以爵與第武表裏夾擊殲賊
千許方議乘勝復城旋以積勞病卒得卹典照知府陣
亡例廕一子入監讀書以州判用

子職書中光緒己丑科舉人

安宅人號居之娶屬齊八寨之茶園頭人入龍泉縣學
附生才氣豪邁見義勇爲咸豐丁巳川賊劉義順與江
家寨民何恭言謀反印江廩生王夢蘭安化廩生安怡

都濡備乘

卷下

五

黔陽文通書局代印

然等皆附之宅仁告龍泉縣茹含章茹幕曹某納賊金
斥爲爭團狹嫌置不問未幾劉逆反陷思南安化印江
據城頭蓋遣黨襲茶園欲甘心於宅仁宅仁盡散家財
募壯士立永協團營扼守湯坳又合馬頭山長水亭長
圻諸團襲安怡然於中岑燔其積聚怡然忿甚與王夢
蘭等併力攻之安仁衆寡不敵敗走龍泉偵裏保聖賊
守空虛攻克之得穀數千石號召丁壯勢復振同治壬
戌夏僞朱王合八逆團衆圍龍泉連營四十里號稱十
萬邑紳苦守匝月將不支茹令徵四十八團入援皆畏

賊不敢進宅仁遣子仕優遁入賊營見數賊方博問大衆何在或云赴飲某所或云打糧未歸卽殺博者燒其營更入一營亦如之知賊氣已怠絕城謁茹令急發在城精銳與宅仁夾擊之賊初見二營火起以爲援兵大至欲相抗拒而悍酋多出掠倉猝難齊於是四散狂奔各不相顧我軍奮力追剿擒斬數千人墜巖落澗者更不計數朱逆易服遁去龍邑數被賊圍守內賴璠外援賴宅仁十餘年竟未失陷滇督劉嶽昭浙臬李元度先後援黔宅仁率衆助剿從兄綏陽縣城楊保寨廟坡觀

都濡備乘

卷下

六

黔南叢書

晉山山黎蓋岑頭蓋皆有功元度下札嘉獎許爲龍邑團紳之冠旌其軍爲忠正軍保知縣加花翎同知銜子仕優保仔總

廩生安明修號西堂宅仁從弟力學敦品疾惡如仇與宅仁同發義順賊逆謀義順恨之切骨湯坳之敗明修被執至岑頭蓋將鬻之甫一割忽聞雷震賊懼遂斷其首而罷

葵屬隴水武舉安浩然龍泉增生安潤己未春二月從蔣湜台玉龍攻煙草巖兵敗被執送江家寨浩然大罵

賊狗破樹潤被殺

廩生羅安長葵屬沙溪溝人庚申冬從熊煥章攻隴水
右箏巖爲僞帥劉么老所擒至岑頭蓋被縛

樊大洪安化縣之大堡人兄弟四人俱精拔擊何恭言
反招之不從殺其父大洪奔澗水聞思南克復乃歸集
壯士二百人號忠義勇擊賊屢勝恭言與胡黑二合攻
之衆寡不敵兄弟皆戰死

劉靖宇號玉英邑庠生居東門城牆溝兄弟八人並擅
材武咸豐八年靖宇兄弟率練勇三百人剿濟匪於紅

都濡備乘

卷下

七

黔南叢書

貴州文通書局代印

綵塘軍敗皆被執僞帥田興朝謂之曰降則不殺靖宇
罵曰吾來取若頭豈降若耶賊怒皆殺之事聞得恤祀
本邑昭忠祠世襲雲騎尉

蕭學太國學生邑之三坑司人以朱砂礮致富慷慨好
施排難解紛鄉里宗仰之胡黑二反邑令阮文藻檄諸
團剿賊學太與火炭了申喬明合兵二千進屯洵沙溝
逆弟黑三以數騎來覘學太憑檻呼曰爾等逆降保無
族滅賊弗應去夜三鼓忽來劫營學太設伏敗之冀日
賊大至而申團多習賊教齋頭申水煙乃乘學太出戰

縱火燔其營自後攻之圍軍驚潰學太喬明皆被執賊叱之跪學太不屈戟手大罵賊先解其左腕而後斷其頭喬明亦被害學太子士楷士模收殮父屍以頭在賊所不敢蓋棺居月餘賊中有懷者竊頭來歸面目如生屍亦不腐乃合而大歛焉事聞得卹祀本邑昭忠祠士楷襲雲騎尉求得手刃父者取其心以祭墓

王廷魁生員化彰之父居甘魚橋爲致匪所執罵不絕口而死

田作頌邑庠生大堡人與千總張鳳翔剿賊馬蹄溪遇

伏戰死

蕭漢玉邑廩生致匪陷城脅之降不從褫其衣漢玉罵曰吾讀綱鑑從未見褫衣賊賊怒殺之

危相林字履平邑貢生授徒於正安州屬之高馬頭同治二年粵匪石達開犯州相林罵賊被殺

陸三廣西人充城練什長咸豐九年八月獨山賊入黃背巖壯役襲忠以六百人禦之敗還黃令君澤欲出走

陸三呼曰吾等衣食葵川已逾一載賊至不擊焉用練爲乃復戰於巖前三斫陣先入諸軍繼之賊敗退三亦

戰死百姓葬之書院側歲時祭掃

黃開甲號東園龍邑庠生居官塘賊至被擒送岑頭蓋脅降不從遂遇害

王植三龍邑庠生居戴家壩家貧挈妻至趕場坪授徒糊口因亂回家遇賊巖頭阿夫婦不屈皆被殺

羅學位石阡屬之周家溝人賊至脅之降大罵不從與子大珍皆遇害

王懷瑾號□□邑貢生候選訓導軍興爲潔行團首醇謹老成承辦軍糧無論多寡刻期不誤團民爭競剖之

都濡備乘

卷下

九

黔陽文通縣代印

莫不折服戰守有法一方賴之以勞卒

田宗高國學生同治甲子邑大饑時號匪廣掠穀米出糶於廟壩獨山等場宗高請得公款獨身入賊中易穀米而歸全活甚衆

孝友

黎大元齊八甲之黎家寨人父學孟生子四人大元居長與弟附生作棟以授徒爲業大元事親孝每食必進酒肉天寒則熾炭於室溫衾枕衣褐以待臥起父嘗患疽窮鄉無醫藥大元以舌舐之匝月竟愈咸豐戊午妖

賊劉義順據岑頭蓋八甲村寨多被擾時大元母已歿
獨負父騰越山谷以免於難又惜字紙近則手自檢拾
遠則廣送竹籬勸人收之父年卒九十一大元亦年七
十猶號慕如嬰兒

鐵寧安號仁齋相傳爲明尙書鐵鉉族裔鉉死建文之
難族人懼禍易姓劉入黔有名文選者秉鐸來婺遂家
焉文選孫世楷復姓鐵兩傳至寧安父啓緒生子四人
寧安居長與弟寧宗服賈積貲五千金盡以讓諸弟徒
手經營又累鉅萬諸弟後傾其資寧安時賜卹之老友

都濡備乘

卷下

十

黔南叢書

貴州文史資料代印

王秦來負寧安數百金貧不能償每值寧安招飲常托
故不會寧安覺之使子弟要之來盡出舊券焚之又捐
數千金建宗祠設家塾廣置田莊屢舍歲收租息爲春
秋祭掃保節字孤延師應試之費皆手訂條規傳之後
嗣同治中大軍平黔以助餉得保千總卒年八十六

貞節

安楊氏生員楊維新之女茶園儒童安世芳之聘室也
世芳先妻□氏生子仕道而□氏卒繼聘楊氏未婚而
世芳又卒楊氏過門撫孤恩義兼盡仕道年十八而夭

夫兄宅仁以孫顯明繼仕道後光緒元年秋七月巡撫

曾奏尋奉諭旨建坊旌表前龍泉縣知縣鄒元吉撰詞

題額詞曰安楊氏牛員錫維新之女儒童安世芳之聘室也貞靜幽閒溫恭淑慎天桃將賦傷長吉之先

亡穠女未屢痛終軍之早逝仰天一慟城欲全崩指日

長號玉思立碎緣以慈親選守婦似勸言因念先室有

兒何怙何恃孤子無母靡瞻靡依憐頭果之備存甘茹

茶以終老鳴鳩廣惠不啻毛裏之親盡流微無愧義

方之訓嗟乎死節之杵白曷若存孤之程嬰殉夫

之齊姬何如教子之孟母彤管所垂斯人其選

伍節婦吳氏女年十八適伍立善六載立善死節婦守

節撫孤四十餘年乃卒道光丁未旌表建坊畧人翼繼

昌以詩表之詩云吳門閨秀伍家女秉性自天醇且厚親老兒稚家苦貧青年遽折駕悲偶仰事

俯嘗一身肩籌燈夜讀謀升斗鄰家飯熟怕兒啼難訣

高堂介壽酒可憐翠袖衣無完冰霜常耐五更寒深宵

欲哭不敢哭度此光陰難不難翠雛粥粥幸長成少年

頭角看峰嶸兄弟努力各成立門戶隆隆氣象更此日

無憂寒與饑當是實母食報時享受無多人已死茫茫

天道殊難知匪芥匪柏生來苦淒絕芭蕉陣陣雨烈魂

貞魄三尺碣三尺碣兮一坏土富貴功名何足在須

與髮幻同蒼狗惟有節孝千古傳濡水羅山長不朽

高節婦監生蕭學太之玄女適庠生高宣枝之長子枚

年十九而寡時舅姑老且貧婦無子女或有勸其改節

者則以死謝之未幾致匪陷邑城節婦轉徙流離生計

益困而志終不變日夜紡績以養舅姑及沒喪祭盡禮

戚族稱孝焉卒年七十四以從子椿爲後

都濡備乘 卷下

十一

黔南叢書 貴陽文通書局代印

田節婦縣屬長灘簡正發女年十九適貢生田宏梅之
子太澤三載夫沒遺腹子宗煌姑李氏多病家赤貧恃
節婦針黹度日致匪陷邑城節婦挈子負姑夜走魯家
壩無所得食采野蔬充饜姑沒節婦年已衰猶作孺子
慕光緒丁亥請旌卒年八十二

陳節婦縣屬澤門田氏女年二十一適陳嘉言生子清
文嘉言客重慶死節婦年二十四家貧紡績撫孤清文
業儒有文名弱冠病沒節婦依夫族以居年七十餘癯
瘠獨處戚族罕覩其面

都濡備乘

卷下

十二

黔南

黔南

伍節婦姓聶氏年十九適伍聖敏兩載生子紹連而聖
敏疾篤節婦刲臂肉和藥以進卒不起節婦絕食飲四
日將以身殉舅姑泣謂曰老人無次男藉延伍氏祀者
抱中孫耳婦死將焉置之節婦強起承命紹連幼善病
節婦憂之廢寢食而獨不使舅姑知咸豐同治年間妖
匪七陷邑城節婦挈子出避崎嶇榛莽中備諸艱苦紹
連善承母教溫文劬學爲邑諸生妻劉氏生子子女各三
人節婦猶親見之晚景雖豐未嘗見笑容戚族延飯從

不一赴母家亦希往還云卒年六十五

新樹椿云節婦
爲樹椿仲姑所

適率敏公又爲樹楷母舅嘗聞樹楷出走汝姑負紹連行緩
月廖田等賊陷城州家男女皆出走汝姑負紹連行緩
相夫吾父母姊妹投羅村浮汝姑投陽山填申士威家
士豪申士順喜與吾家有仇突入威家毆傷汝姑劫紹
連去汝姑呼天搶地且欲死威家哀之爲出錢贖還
汝姑恐其再至夜竄荒谷走羅溪雷過野渡無舟手攀
紹連行水中失足巖殆遂得略血症云云姑嘗病召樹
楷至前曰守節撫孤婦人之常道吾事翁姑並不能有
異於衆乃翁姑過愛輒加孝賢之名探用耿耿吾死慎
勿謂旌以重吾哀也樹楷自有知識覓食四方待姑
日少姑卒時樹楷又客黎平不
得執隅燭僅得斂所見聞如此

田節婦余氏適邑田太鈞道光三十年夏大水泰鈞以
淹死節婦年二十五有娠誓不嫁彌月生子宗成家貧
賣糞粃爲活卒年七十餘

都濡備乘

卷下

十二

黔南叢書
貴陽文通書局代印

王烈婦生員李深彩之女王□□之妻同治二年粵逆
石達開竄型家山烈婦爲賊所執誘之不從逼之奪賊
刀自殺

田郭氏邑之豬頭山人賊首田碧之弟婦也碧將反郭
氏阻之不聽自縊死

鄧烈女龍屬黃家池人咸豐辛酉夏致匪犯龍泉過其
地女避不及爲賊所得逼之行至長塘投水死時年十
八

院貞女士溪人舉人宜人之從孫女也年十二父母繼

沒弟繼承生甫數月女守貞撫弟幼讀壯婚恩義兼盡
經營先業家計益饒年六十餘長齋閉閣親戚罕見其
面

文苑

申晉芳號藝圃邑歲貢生敦品績學疾惡綦嚴然事過
卽忘人無怨之者尤篤於倫誼兄弟六人俱早世遺子
女七人教養婚嫁皆以身任之年五十無子其六弟臨
終泣曰吾兄乏嗣豈天道哉死而有知當爲之籲於神
必得請乃己未幾果生子二咸豐同治間號匪之亂陷

都瀋備乘 卷下

十四

黔陽文通書局代印

城七次縣官委晉芳築城防局務調團募練動輒數千
人供應無缺築推磨旋寨爲邑人避寇之地暇則集諸
生講論經史創興社課雖干戈擾亂中時聞弦誦之聲
事平主講羅峯書院請將叛產撥學以益膏火賓興獎
進士類惟恐弗及劉令樹勳稱爲一邑儒宗子允熙光
緒甲午科本省舉人

聶紹中縣屬之落壩頭人道光壬辰中順天鄉試舉人
盤屋路閨生大史賞其文延爲其子師以科場事謫戍
陝西遇赦歸致匪之亂剿賊白馬山兵敗被執賊重其

名望欲說降之紹中佯病不食乃放還仍立營白馬山
時龍泉之人頗有傳其通賊者茹令遣人召之至城以
客體羈留之未幾發憤卒

記異

嘉慶二十五年夏大水淹斃三百餘人壞田廬甚多按
察使糧道皆親至勘災發賑民間諺云五月初八一水
而括先來糧道後來按察

道光三十年夏大水壞田廬甚多淹死二三人

咸豐五年冬地震墻屋桌几皆搖動有聲逾年有致濟

匪之亂

都清備乘 卷下

十五

黔南 卷下
貴州文通書局代印

八年致濟匪兩次陷城居民四出逃避卽冬始歸白骨
縱橫積受穢氣遂生疫癘其先寒後熱與瘡畧同而投
以止瘡之劑概不見效重者三日卽斃又有蟲似蚊而
小身白嘴黑喙人膝蓋骨起小泡奇癢搔之卽破數日
潰爛如杯口大血流如注有死者年餘乃止

同治三年春大饑斗米值銀三兩餓死無算夏大水時
邑城民廬盡爲賊燬田亦荒蕪無所爲災

光緒十三年春大水淹斃百餘人壞田廬甚多思南府

知府周繼煦親至勘災請賑

十四年六月初四日酉刻有星白色首大如斗身長六
七丈自城東橫行至西而歿其行甚遲亦不甚高若從
屋脊過者

二十二年夏天雨棋謠云天雨粟鬼夜哭天雨棋鬼哭
夜鬼白晝滿天下相傳道光間亦雨棋云

二十三年夏大水淹斃數人壞田廬甚多知縣趙崇晉
請賑巡撫王委候補知縣江良醇來散賑

二十五年邑多豺每黃昏時突入鄉村城市傷小兒豚

犬甚多

二十六七年大饑斗米價錢二千八百文餓死數千人
知縣聶定中請賑巡撫鄧同知沈國良來發賑

縣城西伍家崖相傳有蟒大十餘圍長數十丈身黑鬚
紅頭有角月明人靜則出民常見之謂頭已臨蕭家牆
尾猶在崖下云嘉慶間大水後不復見

縣屬板丫坪有丁木樹葉似柘四季不凋逢國慶大典
則一易葉邑中有登科者亦然惟中者多則全易中者
少則半易

縣東城上有雙椽樹大合抱高數十丈同治初土崩樹
隨之下移丈許直立不動雙樹本有參差自下移後乃
並立至今青翠不凋

同治三四年間郡大饑斗米四千有零餓孳填街有錢
無市不惟根皮食盡爭覓人肉煨食慘不可言加以遍

地皆賊無城無兵賴郡紳劉敬業

由舉人保舉知縣授鄰六

杜寶

善甲戌成進士直隸即用知縣子經訓經緯均庠生

陳欣茂

以保城功保舉五品頂戴子文猷郡

貢陳欣盛

以保城功保舉五品頂戴加藍翎子

李廷玉

以保城功保舉五品頂戴子

光緒癸巳恩科舉人檢選知縣

杜寶賢

以保城功保舉六品軍功

都濡備乘

卷下

十七

一黔南叢書

貴陽文通書局代印

同心協力整理團務民得稍安

楊望洲先生名宗瀛無錫孝廉工詩古文詞記問極博

光緒中令吾邑年已六十餘矣余適歸自湘一見如舊

識談藝甚懽憶多夜大雪漏已三下余將就臥先生遣

价招余謂有要事見告急赴之延入臥齋見先生擁裘

坐把一卷其旁爐火熊熊一僮爲瀹茗余詢何事見告

則笑曰無他欲談一故事耳隨以卷示余則吳梅村清

涼山讚佛詩也先生遂詳述清世祖因董貴妃薨遁五

台山披剃聖祖奉太皇太后五幸五台事謂梅村此詩

實因是而作並歷言詩中某句隱某事某句指某人罷
談出署東方已白其風趣如此先生嘗以吾邑設縣最
早而志乘闕如頗屬憾事遂從事采輯僅成師旅一卷
人物傳畧數篇遽受代乃彙抄爲上下二卷以吾邑爲
古都濡縣地畧簡端曰都濡備乘貽之邑人而去余旋
亦糊口四方忽忽四十餘年不歸聞邑中官紳亦屢有
修志之議而迄未觀成因檢舊臧備乘抄本附印黔南
叢書中聊備一方掌故云民國第一丁丑孟秋婺川聶
樹楷尊吾甫識